

منذوره إحبك يحسين لظمة صدري بالچفين عاهدناك ما ننساك

أنا اللاطم لچك صدري يحسين وصدري يفداك
قبل التكوين وميعادي ناذر لك لظمي إيهواك
من عالم ذري وهالظمة يا الغالي لا ما تنساك
عاشت معجونه بتكويني هالظمة وللموت إويك
يرخص لك لظم الإيدين ودمعي اليجري اعلى الصوبين
عاهدناك ما ننساك

أظم وأصرخ من دلالي آه اعلى إمصاب العطشان
صحنا بيك آمنه إحبك صيحة أنصار بإيمان
لا دعوة ورأي نلوح إبهم وفي الشدة نعوف الميدان
صيحتنا إبصيحة أنصارك بالطف في وجه العدوان
بيك آمنه وتمسكين وحقك منعوفك يحسين
عاهدناك ما ننساك

موكبنا يجسد أنصارك من نلظم لك بالإيدين
لو فاتتنا النصره إجنبك صدري يفدي لك كل حين
لبيك إن چان إمن الصرخة ما غاثك جسمي بالونين
لبتك إچفوفي من أظم صدري بالموكب يحسين
لبيك إبظم الخيدين لبيك إبدمعات العين
عاهدناك ما ننساك

من نلظم حيل إعلى إمصابك نتجلبب بثياب السود
ونحرم من مآتم خدامك وتلبي لك يا بو الجود
نطوف ونسعى ولجلك تبجي الجدران وتلظم لحدود
ونبيت الدمعه إعلى الوجنه تتسائل من غير إحدود
نحج لمصابك محزونين ونبجي لك يا نور الدين
عاهدناك ما ننساك

محفوظة إبعين الله اللطمة تعيش إبفكري وبالوجدان
بالموكب صارت مقرونة وللموكب صارت عنوان
ما قدرت أشرار الأمة تمنعها بطول الأزمان
محروسه وكل من يتعدى إعليها مخذول وخسران
عنوانك صارت يحسين لظمة صدي بالچفين
عاهدناك ما ننساك